

Platt partu:

Rundbreef 2022-01

Dat Böllern

Hüüt an Niejohr keen Schallen knallt,
wieldat wi nich mehr knallen schallt.
Siet twee Johr, wegen Pandemien,
fallt Böllern ut. O Mann, de Pien!
De lude Bums, Gesums, de Rүүк
verdrift doch mit en Rumms de Sүүк!
Wiel dat de bösen Geister drift,
de't hüüt ja jümmer dreister giff!
An alle Kanten schimpen all,
dat jedereen sik impen schall,
wiel sünst dat Land koppheister geiht ---
un nüms denkt an de Geisterheit!!

En glücklich nieg Johr, leve plattdüütsche Maten un Frünnen!

Wüllt höpen, dat Se all en goden Start in en godes Johr 2022 hatt hebbt! Ok ahn Böllern. Ik sülvn maak mi ja nix dorut, un för de Deerten -- ok de lütten Vagels -- is dat sowiso ganz leeg. Avers mien Schatz böllert gern mal beten an Silvester. De Achtergrund to den Riemel [steiht denn ok hier](#).

Nu avers to uns Rückkieken in'n Christmaand. Jungedi, ik mutt seggen, wi hebbt düt Johr **so** en Barg an gode un eenzigaardige Bidrääg kregen -- dor is dat Enn vun weg. Un ok noch en Koppel niege Maten hebbt wi to Wiehnachten kregen! Man jümmers in de Reeg. Also, natüürlich is in'n Christmaand uns Flack [De Welt un Gott](#) riek bestückt -- dat Flaggschipp is jümmers uns Adventsreeg, dütmaal eenzigaardig dör de Musik vun [Wunnerwark](#). För'n [tweeten](#), [drütten](#), [veerten Advent](#) un för de [Wiehnachtsdag](#) hebbt se mit Ludgerd Lüske wunnerschöne Leder rutsöcht. Besünners gefällt mi de [Gesang för Hilligavend](#) un dat melanchoolsche ole Volksleed [an'n tweten Wiehnachtsdag](#).

In dat Gerüst, dat düsse schöne Reeg opbuut, hebbt uns Maten de herrlichsten Geschichten streit -- mal töverhaftig as vun den [lütten Engel](#), mal deepdenkern as [Jesu Trüchkiek op sien Leven](#), mal erschüttern as de Geschicht vun de Wiehnacht, [de bloots een Minüüt opschiene deit](#), vun

Hans-Hermann Briese, een vun de niegen Stimmen, över de wi uns freit. Ok herrliche [wiehnachtliche Gedichten un Ledertexte](#) op de olen Melodien sünd dorbi, [en stille Betrachten](#) vun Erika Fischer -- ok se en heel willkommen niege Stimm --, de [Brückenslag in uns terreten Tied](#) un de [Afsaag an den Geschenkekonsum](#) fehlt nich; ut en noch plaagtere Tied stammt Günter Sohnemanns [Wiehnachtsstrapse](#), liekers se uns hüüt ameseert. Ok de lichte Toon swingt mit: Bi een is dat [Wiehnachtseten mallöört](#), avers nich dat [Tradischoonsgebäck vun de Oostfresen](#) -- un [woneemher keem denn nu wirklich de Stern?](#) Op dat [Kinnerflack emanzipiert sik en Teddy](#), un as en Wunner kümmt [de Snee to de witte Wiehnacht](#) -- de wi in Holsteen ja wirklich harrn. Un en ganzen Koppel niege wiehnachtliche Riemels finnt Se op uns [Flack "Platt to Hand"](#) mit Gedichten to'n Bruken, de sonöömte "Gebrauchslyrik". Dor finnt sik noch twee niege meckelnborgsche Stimmen, Heidi Rumler un Anneliese Voss -- wi freit uns över all. Leest Se einfach dwars dör'n Goorn!

De [Tied twüschen de Johrn](#) endlich gifft uns Stillnis un Besinnen; denn richt sik de Blick in Nullkommanix [na Niejohr hen](#). Dormit geiht ok uns [Kalenner mit Biller vun Hildegard Toelke](#) op dat [Künst-Flack](#) toenn. (2022 folgt een mit Biller vun Thomas Seemann, de [oostfreesche Buwarken](#) porträteert.)

In de [Natuur](#) is dat relativ still to düsse Johrstied, de [Wiehnachtssteern](#) överstrahlt ja allens, ok in uns [Notizbook](#) wiest sik bloots en paar Vagels. In de wiehnachtsselige Tied behollt bloots dat [Notizbook](#) un Behrend Böckmann ok de annern Realitäten in't Oog -- de [rebellschen Vulkane](#) un de [rebellschen Impfmuffel](#) un de [Lü, de dat utbaden mööt](#). Vun dat niege Johr hööpt wi, dat dat lütte Aas bald Geschichte ween much. Un dat wi plattdüütschen Maten un Frünnen alltohoop en good, gedeihlich Johr in Freden un gegensiedig Hülp un Stütten beleevt. Dorför wüllt wi allens doon.

Nu de Linkliste. Op de Links bruukt Se bloots klicken, dat Se henkaamt.

Plattdüütsch Künst:

[Twüschen de Johren](#). Vun Erika Fischer (29.12.)

[Mit Biller dör't Johr: Dezember](#). Biller vun Hildegard Toelke, Verse vun Marlou Lessing (5.12.)

[Notizen ut'n Maimaand](#). Fotos un Verse vun Marlou Lessing (5.12.)

De Welt un Gott:

[Dei Stiern vun Bethlehem.](#) Vun Behrend Böckmann (29.12.)

[Chili con Carne.](#) Vun Heinz Tiekötter (26.12.)

[O Dannenboom.](#) Musik vun "Wunnerwark", Bild vun Ludgerd Lüske (26.12.)

[Krüff un Krüüz.](#) Vun Cord Denker (25.12.)

[Kaomt, ropt dör all de Straoten.](#) Musik vun "Wunnerwark", Bild vun Ludgerd Lüske (25.12.)

[Ünnern Bom.](#) Vun Behrend Böckmann (24.12.)

[Ut Krüff un Stall. Wiehnachtlich Gedichte](#) vun Cord Denker (24.12.)

[Segg mi: Wat passeiert dar vunnacht?](#) Musik vun "Wunnerwark", Bild vun Ludgerd Lüske (24.12.)

[Wiehnachtsstrapse.](#) Erinnern vun Günter Sohnemann (19.12.)

[Veierde Advent: All Lü, dei mit uns wüllt Wiehnachten fiern.](#) Musik vun "Wunnerwark", Bild vun Ludgerd Lüske (19.12.)

[Seemannsgarn: Indoneesche Hülpseelüüd un Lucky Strike.](#) Vun Günter Sohnemann (12.12.)

[Darde Advent: Vöögelken in Wintersnacht.](#) Musik vun "Wunnerwark", Bild vun Ludgerd Lüske (12.12.)

[De lütte Engel.](#) Vun Günter Schiller (10.12.)

[Wiehnachten, een Menüüt.](#) Vun Hans-Hermann Briese (9.12.)

[Tweide Advent: Van Harten Bliedskup för alle.](#) Musik vun "Wunnerwark", Bild vun Ludgerd Lüske (5.12.)

In't [lütte Book vun't Nadenken un Beden:](#)

[Wihnachtstiet.](#) Vun Erika Fischer (23.12.)

In't [Notizbook vun't Erinnern:](#)

[Rullerkes.](#) Vun Thomas Seemann un Ewald Eden (19.12.)

Natuur un Wätenschap:

[Toxisch Planten: Wiehnachtssteern, Tabak.](#) Vun Anke Nissen (30.12.)

In't [aktuelle Natuurnotizbook:](#)

[So'n Schiet, witte Wiehnacht.](#) Vun Marlou Lessing (26.12.)

[Billerradel.](#) Vun Thomas Seemann (19.12.)

Wat in de Welt vörgeiht:

[Dei Mob bi't Utlüften](#). Vun Behrend Böckmann (26.12.)

[Dei lütten Ös](#). Vun Behrend Böckmann (25.12.)

[Alternativet Wiehnachtsriemel](#). Vun Wolfhard Sauerbrey (24.12.)

[Dei Vulkan vun La Palma](#). Vun Behrend Böckmann (5.12.)

...und in Marlou Lessings [plattdüütsch Notizbook](#):

[Danish Dynamite](#) (30.12.)

[Spegelbiller](#) (29.12.)

[Lachen höllt sund](#) (23.12.)

[De Pröövsteen](#) (10.12.)

[Mit -- an -- ahn](#) (5.12.)

För Kinner:

[Modder Sünn ehr Kinner: To Wiehnachten Snee](#). Märken vun Sophie Reinheimer, överdragen vun Klaus-Dieter Tüxen (19.12.)

[Teddy Niklaas](#). Vun Hanne Hinz (5.12.)

Platt to Hand:

[Morgen kümmt de Wiehnachtsmann](#). Vun Marlou Lessing (19.12.)

[Sneeballslacht](#) vun Hannes Frahm (12.12.)

[Adventsriemel 1](#) vun Anneliese Voss (9.12.)

[Adventsriemel 2](#) vun Anneliese Voss (9.12.)

[Niklaasriemel](#) vun Anneliese Voss (9.12.)

[Laat't Wihnachten wardn!](#) Vun Heidi Rumler (9.12.)

[Nix as dütt](#). Vun Rudel Kinau (9.12.)

Niege Spraakopnahmen:

[O Dannenboom](#). Musik vun "Wunnerwark", Bild vun Ludgerd Lüske (26.12.)

[Kaomt, ropt dör all de Straoten](#). Musik vun "Wunnerwark", Bild vun Ludgerd Lüske (25.12.)

[Segg mi: Wat passeiert dar vunnacht?](#) Musik vun "Wunnerwark", Bild vun Ludgerd Lüske (24.12.)

[Veierde Advent: All Lü, dei mit uns wüllt Wiehnachten fiern](#). Musik vun "Wunnerwark", Bild vun Ludgerd Lüske (19.12.)

[Darde Advent: Väögelken in Wintersnacht](#). Musik vun "Wunnerwark", Bild vun Ludgerd Lüske (12.12.)

[Tweide Advent: Van Harten Bliedskup för alle.](#) Musik vun "Wunnerwark",
Bild vun Ludgerd Lüske (5.12.)

En godes Johr wünscht

Marlou Lessing un dat lütte Plattpartu-Team